

襄翼帝葬元陵

在御天縣
多舍社

昭宗葬永興陵

在清
潭縣

恭宗葬華陽陵

在御天縣
公父舍社

莊宗葬藍山景陵

正月崩
二月葬

中宗崩葬藍山延陵

英宗崩葬布衛陵

正月二十三日崩
二月○○日葬

世宗崩葬東山華岳陵

敬宗崩葬布衛陵

五月日崩
是月癸巳崩十

神宗崩葬羣隊陵

九月二十三日崩
崩十二日葬

真宗崩葬華陽陵

八月二十二日崩
崩是月行葬

玄宗崩葬景盛陵

十月癸巳崩十
一月壬辰葬

嘉宗崩葬福安陵

四月初三日崩
崩六月葬

熙宗崩葬富華陵

裕宗崩葬古都陵

純宗崩葬平吳陵

懿宗崩葬扶黎陵

顯宗崩葬盤石陵

▲鄭王諸陵

明康太王葬汴上鄉

成祖哲王葬梨山鄉

文祖誼王葬九苞社

弘祖陽王葬萬賴冊

昭祖仁王葬延止社

在安定縣

淳祖穆王葬古汴社

僖祖仁王葬赤輅

後改遷快樂社

在東山縣

毅祖恩王葬鄭甸

後改遷金域社

聖祖盛王葬鄭福社

英烈靈王葬芳烈社

按黎朝山陵之禮。屆期迎梓宮下船。自瀘津進發水行回西京寧曆。前後皆同。國初惟四陵藍山會塋。自憲宗以下。諸陵則皆別擇吉地。不拘遠邇。至如述德碑文。亦惟國初六陵有之。威穆帝以下四君俱不善終。故事遂廢。中間以後。莊中英三君。未復京城。山陵之禮儀文簡省。故自無職述。至中宗以後。則鄭王執柄。皇陵葬期大抵皆從急迫。而大行垂拱之位。無得而稱。遂不復有用於鋪張矣。鄭主諸陵回塋。事體亦與皇家同。而儀文之盛。則又過之。其禮數之詳。今仍備述于左。

●發引節次

先時董領官照圖次排插。廠衛官兵。守候。禮番官預先排設禮物。在學左邊。奉行告舉神禮。儀節奉

卷二十三 禮儀誌

國恤喪事之禮 發引節次

七六

命官就位鞠躬拜。凡四興平身跪。開壺宣告文。俯伏興拜。凡二興平身鞠躬拜。凡四興平身焚告文。禮畢。
祝文。維皇號年月日。金冊特委具職名。謹以牲禮粢盛。金銀等物。敢昭告于摹神之前。今奉先聖王金冊美字梓宮就輦戒行道路。惟神保佑。謹告。
將至時。禮番官陳設儀物在靈御前。奉行告遷禮。儀節就位。舉哀祝盥洗。焚香酌酒獻酒。祝跪奉告辭。今以吉時奉遷梓宮御大輿。謹告。獻茶鞠躬拜。凡二興平身禮畢。
禮番官跪請奉聖帛升轎。董領官照節次扶梓宮就輦。載舉畢。禮番官排設龍床二座。一座奉寧聖帛。一座排設禮物。在大舉前南向照節次奉聖帛御龍檻。寧床上行遺獻禮。儀節就位。舉哀祝盥洗。焚香酌酒獻酒。祝跪奉告辭。龍輶既駕。往卽玄宮。載陳遣禮。永訣終天。謹告。獻茶鞠躬拜。且哭且拜。凡四興平身禮畢。禮番官跪請奉聖帛升轎。撤遺禮床。取諸脯置食器董領官依圖次進行。至中沙登堂。禮番官跪請奉聖帛御祭堂。董領官照節次奉梓宮下船。奉御審視訖。詣祭堂奉御行獻禮。儀節就位。舉哀祝盥洗。焚香斟酒獻酒。跪宣祝俯伏興平身獻茶鞠躬拜。凡四興平身焚祝文禮畢。欽奉皇上特遣欽命官行儀。欽命官就位。舉哀哀止。祝盥洗。焚香酌酒獻酒。跪宣祝文俯伏興平身舉哀鞠躬拜。凡四興平身焚祝文禮畢。皇太子奉入行禮。四拜文武兩班行禮。儀節就位。舉哀哀止。祝盥洗。焚香斟酒。跪宣祝俯伏興平身舉哀鞠躬拜。凡四興平身焚祝文禮畢。諸有奉進禮物照次入拜。禮訖典禮官詣香案前告辭。請奉聖帛御卜船。禮番官照節次跪請奉聖帛升轎。董領官照節次奉迎下船。奉御輞從後。王弟諸賓後從稍遠。王姊及宮嬪仍留祭宮。諸預守制者隨下船。圖次至津次奉聖帛御下船訖。奉御望舍立望。開船後。奉御立望梓宮船。舉哀待船行稍遠回。王弟儀賓及文武諸臣。並在祭堂後面立舉哀。至時董領官開船進行。開船後。朝夕獻上食與各禮節。暫駐沿站行禮。或隨便行禮在聖帛船。一如御京常

儀。沿途諸鎮守承憲並設站恭進禮物。至清華上船津次行謝河伯禮。儀節奉命官就位。鞠躬拜。凡興平身跪開壺宣祝文。維皇號年月日。金冊謹以牲禮粢盛金銀等物。敢昭告于河伯前曰。奉玉父金冊美字。梓宮歸陵。廠衛卽舟。水途寧穩。默扶顯佑。寔仗神庥。謹用菲儀。用伸謝悃。尚享。俯伏興拜。凡二興平身。鞠躬拜。凡四興平身。焚祝文禮畢。至日太早時。董領官照節次跪請奉聖帛升轎。與請奉梓宮上船升舉。董領官依圖次進行。至上船祭堂。禮官跪請聖帛御入祭堂行獻禮。儀節奉命官就位。舉哀哀止。祝盥洗。焚香酌酒。獻酒跪宣祝文。俯伏興平身獻茶。鞠躬拜。凡四興平身。焚祝文禮畢。禮番官照節次跪請奉聖帛升轎。董領官復依圖次進行。至中途祭堂。禮番官跪請聖帛御入祭堂行獻禮。儀節奉命官就位。舉哀哀止。祝盥洗。焚香酌酒。獻酒跪宣祝文。俯伏興平身獻茶。鞠躬拜。凡四興平身。焚祝文禮畢。禮番官跪請聖帛升轎。董領官復依次進行。至陵所祭堂。禮番官跪請聖帛御入祭堂。大擧仍進至陵前停駐。禮番官跪請奉梓宮御尊陵。重臣親載。董領官發號。扶梓宮御鋪一席上。竹卷茵席在尊陵前。時御陵官已奉鋪遂行獻禮于陵所祭堂。儀節奉命官就位。舉哀哀止。祝盥洗。焚香斟酒。獻茶。鞠躬拜。凡二興平身。禮畢。至時禮番官跪告辭。今以吉時請奉梓宮下玄宮。董領引驛兵入拜。畢奉扶梓宮下玄宮。奉命官奉整梓宮衣舖銘旌下玄纁。照節次奉行奉命官詣玄宮前。且哭且拜。凡二稽顙。興平身相地治陵官及奉侍諸臣預在陵內者。並立陵前哭盡哀。再拜趨出。親貴諸衙並於玄宮前稍隔望在白幃內哭拜訖。却避文武諸臣於守陵門外。以次入哭。再拜趨出。治陵官依法奉行。是日在京奉有設香案向陵所奉御望拜。祠后土節次先時禮番官排置禮物。在尊陵左邊祠后土堂。至寧陵之半。奉行禮。儀節奉命官就位。鞠躬拜。凡二

卷二十三 禮儀誌

國恤喪事之禮 發引節次

七八

興奉命官與執事官皆拜平身。盥洗。奉命官與執事官皆洗。詣香案前跪上香酌酒。奉命官蓋。執事官復領至地。獻酒酌以獻。俯伏興平身少却跪。宣告文。在奉命官之左。維皇號年月日。金冊敢昭告于后土之神。今奉玉父金冊美字寧居尊陵神其保佑俾無後難謹以牲醴粢盛庶品。祇進于神。尚享。俯伏興平身復位。鞠躬拜凡二興平身。焚告文。禮畢。

奉題神位節次是日禮番官預奉陳設禮物于題神位堂。董領官照節次奉拜聖帛自陵所祭堂。御

至題神位堂。至寧陵之半。奉行題神位禮。儀節奉命官就位。一向靈。祝盥洗。奉題官與執

禮番官以帛繡一匹。

上。捧神位奉置紅纏上。

奉題神位。

奉題官立桌子之左向右奉題

奉神位御靈座。

禮番官捧置御衣中

舉哀焚香斟酒獻酒跪宣祝俯伏興

平身鞠躬拜。且哭且拜凡二興平身焚祝禮畢。

祝文。維皇號牛月日。孤子御名敢昭告于顯考金冊美字

靈御前曰山陵既寧神位告成。伏維尊靈。是遵是依。尚享。

題神位官趨出禮番

官遞頒銀子一笏。奉焚舉槢器具。止留靈幡一座。大長幡三座。香亭一座。金銀四盤。手幡三百把。題

位禮訖。禮番官跪請奉神位升轎。御還祭堂。至陵所祭堂。奉神位寧龍龕。奉行寧位禮。儀節奉命官

就位。舉哀。祝盥洗。焚香斟酒獻酒。獻茶。鞠躬拜。且哭且拜凡二興平身禮畢。寧位禮訖。禮番官

禮物。至時行初虞禮。儀節奉命官就位。奉啓槢。舉哀。哀止。祝盥洗。跪上香。俯伏興平身鞠躬拜。凡二

平身進饌。初獻禮。酌酒跪獻酒。俯伏興平身跪宣祝。維皇號年月日。孤子御名敢昭告于顯考金冊美字靈御曰。日月不居。爰及初虞。夙興夜處。哀慕不寧。謹以牲醴粢盛庶品。哀薦祿

學。尚。俯伏興平身舉哀。哀止。鞠躬拜。凡二興平身亞獻禮。酌酒跪獻酒。終獻禮同。俯伏興平身侑食。

獻茶舉哀。鞠躬拜。凡二興平身哀止。撤饌焚祝禮畢。

奉迎神位詣安場府節次。至日太早時。禮番官排置禮物在安場宮廟。奉行告禮。奉命官行十二拜禮。祝文。維皇號年月日。孝曾孫御

名敢昭告于列先聖王並列先聖后。茲奉顯考金冊美字。山陵既畢。奉迎神位御府堂奉事。謹以牲禮粢盛庶品。用仲虔告謹告。

前跪告辭。

今以吉時奉迎神位。詣安場府奉事虔告。

禮番官跪請奉神位升轎。董領官發起上依圖次進行至安場府。禮番官

跪請奉神位御床。奉行寧位。

卽反哭禮。祝文維皇號。寧日孤子御名。故昭告于顯考金冊美字靈廟前曰。仙鄉雲

遙。山陵寧穩。敬奉神位歸于靈筵。朝夕奉祀。罔敢弗虔。伏惟尊靈。曲垂鑒格。尚饗。是日寧位

禮訖。禮番官撤具盤。奉排置禮物行再虞禮。

儀節與初虞同。祝文改初爲再。改祫爲虞。

至寧陵後第三日。禮番官排設禮物在

尊陵前。奉行省陵禮。

儀節同。執獻。

再虞後一日早時奉行三虞禮。

儀節與再虞同改。再爲三。下倣此。

三虞後一日早奉行四虞禮。

四虞後一日早奉行五虞禮。五虞後一日早奉行六虞禮。

六虞後一日早奉行七虞禮。七虞後一日早奉行八虞禮。八虞後一日早奉行九虞禮。

祝文改虞。事爲成串。

行事訖。禮番官跪請奉解衣冠。奉神位置第一

龍床。奉粘金冊聖位寧龍龕內。九虞後朝夕尙食獻禮。用侍者焚香斟酒獻茶。奉事一如常日。至禪禮畢方撤。禮番官奉聖帛藏于府祠屏處潔地。

奉迎聖位回京節次。是日早時董領官預先排插奉迎圖次。九虞禮訖。典禮官跪告辭。

今以吉時奉迎聖位還京謹告禮

番官跪請奉聖帛升轎。董領官發起上進行至河津。禮番官跪請奉聖帛下船。儀衛器具照次下船訖。至時董領官照圖次排插傘蓋儀仗。禮番官預設香案于望舍前向聖位御船。奉御望迎。奉聖位至京河津前一日奉迎沐浴。

已預差。驛度。

禮番官押令洒掃五鳳樓淨潔。預設座床并帷帳及侍圖

整足。是日早時董領官照圖次排插傘蓋儀仗。禮番官預設香案于望舍前向聖位御船。奉御望迎。至時奉御由路左詣香案前。舉哀望拜。凡四拜。畢奉權御于望舍。王弟儀賓王親從後羅拜。文武兩

卷二十三 禮儀誌

國恤喪事之禮 造主祔廟

八十一

班奉入舉哀。四拜扶輜至河津少停。禮番官詣聖位前跪請奉聖位升輜。侍者奉聖位升輜進行。御輜從後。王弟儀賓王親以次後行。文武官前導至五鳳樓。金龍輪至前堂。禮番官跪請奉聖位御龍床。侍者奉聖位御龍燈上。禮番官陳設香案祭器。奉行寧位禮。

祝文維皇號年月日。孤子御名。謹以牲禮粢盛庶品敢昭告于顯考金冊美字靈御前曰。仙駕雲邇。

尊陵既寧。奉迎聖位。來茲京邑。朝夕奉事。罔敢弗虔。伏惟尊靈。曲垂鑒格。

按此王家寧陵儀註。塋後九虞。蓋僭用天子之禮。自下船至旋京。先後節次。大略與皇家喪事相
同。仍悉錄之。以備推考。

★造主祔廟

李神宗天順二年秋八月。造仁宗神主于靈殿。青竹蛇蟠于寶辰。閱月祔仁宗神主于太室。

史臣吳士連曰。先王制禮。事亡如存。故作主以象神。則主者神之所依也。虞而作主。練而易主。易主而祔廟。禮節也。仁宗塋在去年六月至今十四月。練時又過久矣。而始作主祔廟。慢而不敬矣。

史臣吳時仕曰。按禮有一主。虞主一神主。一漢儀禮志。虞主以桑木尺二寸不題謚。唐杜佑遺典亦不言題虞主。至祔廟前一日。以香湯浴栗主。拭以羅巾。題主官捧就祔。題墨書訖。以光漆重摸之。宋制虞主亦不題謚。梓宮進皇堂。掩攢將畢。內謁者浴虞主。以羅巾拭之。詣攢宮前。奉請神上。祔主。卽奉升輿。就獻殿俟掩攢訖。行第一虞祭禮。其第二第三第四第五虞。並係在路。有司行禮。祔廟前一日行享太廟禮。別廟差侍從官一員。題主如虞制。若李造主祔廟之禮。既失之緩。而士祔廟前一日行享太廟禮。別廟差侍從官一員。題主如虞制。若李造主祔廟之禮。既失之緩。而士

連之論。謂練而易主。易主而祔。乃士夫以下之禮。非國禮也。因附論之。

按周禮措之廟立之主曰帝。蓋王喪卒哭之後作主祔廟。題號稱帝。如云文帝武帝之類是也。左傳曰。凡君薨。卒哭而祔。公羊則云。虞主用桑。練主用栗。是蓋有二主。卒哭後以桑主行祔。既畢更還殯宮。至小祥而後作栗主奉迎入廟。乃埋虞主于祖廟之門左也。漢唐以後皆爲二主。然三年之禮不行。則惟於卒哭後奉題栗主祔廟。○室卽成吉禮而不復待於練祥矣。士連氏所引虞練易主之說失於語而不詳。而浩外祖所公論又皆唐宋儀註未及推原古禮。故特參考以備折衷。而因可見李朝淹緩之失云。

李太祖紹平元年十二月遣入內少保黎國興入內右弼黎文昊等奉告太廟奉迎太祖及國太母新神主祔廟。

按太祖以去年八月崩。十一月葬。至是年十二月始祔廟。蓋但行十五月之喪。待除服卽吉。而後始祔廟耳。黎朝並建兩京。奉祀之禮亦爲二主。山陵虞主禮既訖。奉虞主出東京寢殿。待行升祔。其西京太廟則別造神主奉事。主題某宗某皇帝神位。朱漆金湘題。主官用閣臣重員爲之中興。以後鄭王廟主大略亦同。但主式一依家禮。粉面陷中。皆遵古制。虞禮題訖。奉迎入長安宮奉祀。而東京宮廟則別造朱漆神碑。內惟書廟號美字。蓋其二主事體略同。而造主之制。則王家猶遜於皇家矣。

顯宗景興四十七年七月帝崩。昭統帝以嗣孫卽位。十月追尊皇祖妣皇考二位尊號。迎入太廟殿奉事。同日行禮儀。註前一日欽差官置龍床二座于太廟前殿東邊西向。坐前各具香案祭器香案

卷二十三 禮儀誌

國恤喪學之禮 造主祔廟

八二

前列置金箋案。與奉皇上拜位。正中一位 東邊二位至日早尙設司權設一位金箋箱子萬壽殿案上稍南設龍亭于殿庭。教坊司設樂于殿庭之左右。設而 不作至時提領正號官兵准備儀仗就奉事宮庭。欽命官就二位前各行四拜禮。執事官跪告辭云。欽請奉迎各位入太廟殿奉事告訖。欽差官迎聖位升轎。提領官兵發進行。百官各具青吉衣葵色黑條帽前導。皇上御青吉衣葵色黑條帽出萬壽殿。捧金箋官用尚書官或左右侍郎二員詣案取金箋箱置于龍亭。皇上升駕。司事者舉龍亭由中門出。兩邊擎傘遮蓋。先鸞駕。捧金箋官從行。提領副號官兵扈侍繼進。至太廟殿門。聖位輜住置于鋪席上。百官先入太廟庭中班立。教坊司置樂于太廟殿之左右。設而 不作欽差官各奉聖位安于太廟前殿東邊之東床。尙設司置龍床于龍床之前。捧金箋官取金箋箱授欽差官置于案上。皇上由更服堂入太廟殿正中間。拜位行四拜禮訖。仍於東邊立。執事各就位立。典禮官宣金箋引禮官立于案之左 捧箋官立于案之右引禮官用翰林官跪奏誥皇祖妣聖位前。皇上詣拜位引禮奏鞠躬四拜。興平身典禮官唱上香。引禮官奏跪。奏三稔香。奏俯伏。興二拜。興平身典禮官唱酌酒。引禮官奏跪。奏俯伏。興平身典禮官唱進金箋。引禮官奏跪。捧金箋官取金箋箱于案。授捧金箋官跪進于皇上之左。皇上受金箋箱加額。再授捧金箋官。捧金箋官跪授司禮官復置于案。引禮官奏俯伏。興平身典禮官唱宣金箋。引禮官奏跪。司禮官立于香案之左。取副箋授宣金箋官。用翰林官宣金箋官跪授于皇上之右。宣畢再以箋副授引禮官。復置于案。引禮官奏俯伏。興平身奏跪代致詞官用翰林官跪于皇上之左。奏云嗣皇帝臣御名奉追尊先德皇祖妣尊號。奉迎聖位入

太廟殿奉事奏訖。引禮官奏俯伏四拜興平身。引禮官跪奏詣皇考聖位前。皇上詣拜位行禮依前節次訖。引禮官跪奏禮畢。皇上仍於東邊立。欽差官各奉皇祖妣聖位由工字殿左邊立。祔于柔慎皇太后位次奉皇考聖位由右邊入祔于懿宗徽皇帝位次。皇上仍詣正中間拜位行四拜禮訖。分班立。權御西邊執事官就班立。閣門唱排班班齊百官行四拜禮訖。分班立。皇上御還宮。百官扈從入萬壽殿庭。○拜以次趨出。

追尊皇祖妣金箋文。伏以紹洪禧膺耿命。式循叙秩之彝章。昭懿鑠晉徽稱。庸舉尊崇之盛禮。穀時允叶。華綺孔敷。恭惟 皇祖妣 蘭蕙芳姿。琚璜懿範。修母教而鶴鳴時式。齊莊闔閭之儀型。迓天禧而熊夢夙呈。洋溢庭闈之福履。錫胤茂綏

泰祉。貽孫長裕豐謀。肆藐躬克紹丕基。永念流光之餘慶。追先考肇稱殷禮。用章思媚之徵音。謹冊上尊號曰貞順皇太后。伏望膺此洪名。錫之純嘏。默護本支百世。永扶宗社億年。臣實惶寔恐稽首頓首謹上言。

追尊皇考金箋文。懿世德以紹休。景仰栽培之灑贐。迪前猷而纂美。式昭崇奉之隆儀。穀旦載蠲華章孔耀。恭惟 皇考 天資英邁。乾德粹精。震亨粵正元良。兌悅具孚瞻仰。蘊剛健大有爲之志。山靜泉清。茂緝熙純不已之功。星輝海潤。貞國宛存芳範。在天不顯真靈。肆藐孤式至今休。光嗣無疆之曆服。惟殷佑實憑先慶。永懷不匱之孝思。載考彝章。肇稱殷禮。謹上金册上尊號曰佑宗衍皇帝。臣伏望光膺徽號。申錫洪福。默佑本支千百世之傳。永奠帝王億萬年之業。臣實惶寔恐謹上言。

按景興故皇太子被鄭靖王逼害。皇孫遇幽囚者數年。後因軍情懷思。始得迎還內殿。正嗣孫位。至是繼統。追尊皇考入廟。蓋所以正名分而行承重之喪也。前此歷朝祔廟之禮。史皆簡略不書。今故併載入祔儀注之左。即可以類推矣。